

CUMÜN DA SENT



Il mas-chalch da Sent

Publicaziuns officialas. Cumpara seguond bsögn.

2012-2014

no. 36

7554 Sent, october 2014

Radunanza cumünala dals 5 november 2014

La radunanz'es gnüda fixada sün marcurdi, **als 05 da november 2014**, a las 20.15h in chasa cumünala.

Glista da tractandas

1. Protocol da la radunanza cumünala dals 14 avuost 2014
2. Orientaziun davart il stadi actual da la revisiun totala da la planisaziun cumünala*
3. Fusiun dals cumüns / orientaziun e discussiun supr'üna cumischiun locala da la fracziun
4. Inchaschamaint da funtana cun lingia d'aua e meglioramaint da la situaziun idrologica a Büglöl / orientaziun
5. Varia

**tractanda 2: Al principi da settember ha il Chantun surdat il rapport da la preexaminaziun da la revisiun totala da la planisaziun cumünala. In quel ais però gnü tut posiziun be in möd parzial sur da singuls puncts e na sur da tuot la revisiun cha'l cumün vaiv'inoltrà. Pro quist'ocasiun vain la radunanza infuormada lasupra. Il cussagl prevezza da suottametter lura las parts preexaminadas amo quist on a la radunanza d'urna.*

Cussagl cumünal

Radunanza da vaschins

In seguit a la radunanza cumünala

Tractandas:

1. Protocol da l'ultima radunanza
2. Fusiun dal cumün da vaschins Sent culs cumüns da vaschins Scuol, Ftan, Tarasp, Ardez e Guarda.
3. Nominaziun d'ün candidat(-a) ev. president(-a) pel nouv cussagl da vaschins
4. Varia

Cussagl cumün da vaschins

Reavertüra – Sport Champatsch ❄️❄️❄️ 五五五

La butia Sport Champatsch es darcheu averta davent dals:

10 november 2014 da las 09.00h - 11.00h e da las 15.00h - 17.00h
dumengia serrà

A partir dals 6 december 2014 las 08.00h - 12.00h e da las 15.00h - 18.00h
dumengia 08.30h - 10.00h e da las 16.00h - 18.00h

No ans allegrain sün Vossa visita.

Equipa Sport Champatsch

Bazar cun stüva da caffè


Als 16 november organisaina darcheu nos bazar cun stüva da caffè illa chasa Misoch. Minchün es amiaivelmaing invidà.

Società da duonnas Sent

Giantar d'Advent per attempats

Als 7 da december invida la società da duonnas a tuot quels sur 70 ons ad ün giantar d'Advent a las 12.^{00h} in chasa Misoch. Nus sperain sün gronda partecipaziun!

Annunzchas pigli'incunter Annatöna Pult


 081 864 86 82

Amiaivelmaing invida la società da suonnas Sent

Surveglianza da la rait da sendas pella fracziun Sent / BAW

Il cussagl cumünal tscherch'üna persuna pella surveglianza da la rait da las sendas pella fracziun Sent.

Infuormaziuns supra quist'incumbenza dà l'uffizi da fabrica, manader tecnic Christian Poo.

 078 627 23 27

Tscherchè da tour a fit sur inviern ❄️❄️❄️

üna garascha

Grazcha pella risposta

 079 655 32 07

Manuela e Jon Cantieni

Società da "Sturnels" Sent

Be d'incuort ha la società da Sturnels Sent salvà üna sairada insembel cun rapreschantants dal cumün per s'infuormar in möd plü profund sur da la situaziun da la fusiun dals cumüns. Il respunsabel da quella saira, sar Ruedi Aeschbacher, ha manà la discussiun ed ils rapreschantants dal cussagl e da l'administraziun han respus a la blerüra da dumondas cha'ls proprietaris da seguondas abitaziuns in nos cumün han fat. Eir a quels interessa quai co cha'l nouv cumün funcziuna ed ingiò chi's rechattan tuot ils lös da servezzan. Mo eir ledschas e regulativs d'eiran ogets da la discussiun.

Als Sturnels sta eir il purtret dal cumün zuond a cour, pustüt ils bels bügls chi's rechattan in nos cumün. Uschè vaivan quels ramassà munaida per sustgnair la sanaziun dal bügl a Schigliana. A chaschun da quella saira ha il president da la società, sar Ruedi Wenger, pudü surdar al cumün da Sent la bella somma da fr. 8'800.00, chi dess servir pella finanziaziun dal nouv bügl manzunà. Davo la part uffiziala ha il cumün sport l'aperitiv, a chaschun dal qual ha amo pudü gnir discutà e s'infuormà sur d'ün e l'otra fatschenda. Id ais stat üna sairada interessanta e satisfacenta per amendus parts.

Il cussagl cumünal nu vulless interlaschar d'ingrazchar da tuot cour a la società Sturnels, eir in nom da tuot nossa populaziun, per quella gesta da sustegn zuond generusa e cordiala.

Cussagl cumünal